

北京圖書館 編

北京圖書館藏珍本
年譜叢刊



第 10 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 10 冊

第十冊目錄

杜工部年譜		一
杜工部年譜		二
少陵先生年譜		三一
杜工部年譜		三七
杜工部年譜		六五
杜工部年譜		七五
杜少陵年譜		九一
少陵新譜		一〇五
岑參年譜		一一三
唐李鄴侯年譜		二五一
唐孟郊年譜		二八九
孟東野詩文系年考證		三七九
陸宣公年譜		四七七
唐陸宣公年譜		五三五
唐陸宣公年譜		五八一
唐陸宣公年譜		六二五

杜工部年譜

趙子櫟

呂汲公大防爲杜詩年譜其說以謂次第其出處之歲月略見其爲文之時得以考其辭力少而銳壯而肆老而嚴者如此竊嘗深考其譜以爲甫生於睿宗先天元年庚戌而甫實生於開元元年癸丑以謂甫歿於大曆五年亥而甫實歿於大曆六年辛亥其推甫生歿所值紀年與夫紀年所值甲子皆有一歲之差且多疎略今輒爲訂正而稍補其闕俾觀者得以考焉

明皇開元元年癸丑

按天寶十載公年三十九奏三大禮賦表云生陛下淳樸之俗行四十載逆數之甫今年生舊譜甫生先天癸丑奏賦天寶十三載十三載年四十三十載亦年四十矣

開元三年乙卯

夔峽觀公孫弟子舞劍器詩序云開元三年余尙童稚於郾城觀公孫氏舞劍器

開元七年己未

壯遊詩云七齡思卽壯進鵬賦表云自七歲所綴
詩筆甫作詩起七歲

開元九年辛酉

壯遊詩云九齡書大字有作成一囊

開元十四年丙寅

壯遊詩云往昔十四五

開元十五年丁卯

甫年十五有百憂集行云憶年十五心尙孩

開元二十三年乙亥

有開元皇帝皇甫淑妃神道碑云野老何知斯文
見託甫時白衣

開元二十五年丁丑

壯遊詩云忤下考功第唐初考功試進士開元二
十六年戊寅春以考功輕徙禮部以春官侍郎主
之甫下考功第蓋今春也

開元二十八年庚辰

按柳芳唐曆開元二十八年天下雄富西京米價
不盈二百絹亦如之東由汴宋西歷岐鳳夾路列

店陳酒饌待客行人萬里不持寸刃憶昔詩云憶
昔開元全盛日小邑猶藏萬家室稻米流脂粟米
白公私倉廩皆豐實九州道路無豺虎遠行不勞
吉日出乃其時也

開元二十九年辛巳

是年甫有祭杜預文云十三葉孫甫謹以寒食之
奠昭告於先祖晉鎮南大將軍當陽成侯預葬龜
洛偃師首陽山南甫祭於洛之首陽

天寶元年壬午

正月丁未改元

集有天寶初南曹小司寇爲山之作時年三十

天寶三載甲申

正月丙申朔詔改元曰載

天寶六載丁亥

詔天下有一藝詣轂下時李林甫相國命尙書省
試皆下之遂賀野無遺賢於庭其年甫元結皆應
詔而退

天寶九載庚寅

秋七月置廣文館於國子監以鄭虔爲將士贈鄭

虔醉時歌云廣文先生官獨冷今年秋後所作也
天寶十載辛卯

明皇紀天寶十載春正月朝見太清宮朝饗太廟
及有事於南郊甫上三大禮賦授河西尉改右衛
率府胄曹史謂甫天寶十三載獻賦而考明皇紀
十三載至自華清朝獻太清宮未嘗郊廟行三大
禮當以明皇紀爲證

天寶十一載壬辰

除夕曲江族弟杜位宅守歲云守歲阿戎家云云

甫年四十獻歲年四十一位弟字戎甫從弟李林甫壻宅近曲江浣花寄位云玉壘題詩心緒亂何時更得曲江遊

天寶十三載甲午

上韋左相詩鳳曆軒轅紀龍飛四十春元宗即位四十二載故云元宗西岳太華碑曰天寶十二載癸巳甫進封嶽表杜陵諸生年過四十丞相國忠今春二月丁丑陟司空賦曰維岳克生司空則賦當在今載甫今年四十二故曰年過四十

天寶十四載乙未

是年十一月初自京赴奉先有奉先縣詠懷詩是
月有祿山之亂

至德元年丙申

十五載丙申七月肅
宗卽位改至德元載

是年肅宗卽位改至德元載夏五月甫避寇左馮
翊逆旅廊時有白水高齋三川觀漲詩六月祿山
入潼關明皇西幸七月肅宗卽位靈武甫自廊挺
身赴朝廷漸北至彭衙行遂陷賊中冬有悲陳陶
悲青垠哀王孫詩

至德二載丁酉

其春猶陷賦作曲江行春望憶幼子賊退竄歸鳳
翔拜左拾遺房琯敗陳陶甫上疏救之有薦岑參
謝口勅放推問狀八月墨制放往鄜州有別賈嚴
二閣老北征徒步歸行羗村詩

乾元元年戊戌

二月改元後以載爲年

夏六月出爲華州司功其秋有試進士策代華牧
郭使君論殘寇狀時有留花門洗兵馬詩

乾元二年己亥

元年九月九節度兵討慶緒於鄴城遂潰三月官
軍敗滏水甫有新安吏石壕吏新婚別垂老別無
家別甫時華州司功參軍關輔飢棄官西去度隴
客秦亭五秋後詩云惆悵年半百甫年四十七冬
十月發秦州初至赤谷南至鐵堂峽遂踐同谷城
積草嶺鳳皇臺

上元元年庚子

成都西郭草堂詩云經營上元始卽其時也有浣
花卜居狂夫有客南鄰謾與王侍御掄邀高蜀州

適詩

上元二年辛丑

九月去上元年號稱元年以十一月爲歲首以斗所建辰爲名

是年在蜀郡有百憂集行云卽今倏忽已五十按是年年四十九有杜鵑行石犀行古柏行病柏病橘枯櫻枯桺詩代宗紀上元二年九月壬寅詔別上元號獨曰元年月以斗建命之以建子起歲草堂卽事荒村建子月又戲贈友詩元年建巳月卽有焦校書元年建巳月宮有王司直其年太子少保鄴國公崔光遠爲成都尹劍南節度會東川段

子璋殺其節度李奐走成都光遠命花驚定平之甫有贈花卿歌光遠死其月廷命嚴武

寶應元年壬寅

建正月改元後以正月爲歲首建巳月爲四月是月代宗即位

嚴武今春開府成都甫有嚴中丞枉駕浣花草堂仲夏嚴中丞見過之作草堂詩云斷手寶應年卽其時也甫與嚴武巴西相別其冬甫游射洪陳拾遺草堂南至通泉縣還梓州

代宗廣德元年癸卯

七月改元

其春甫有登梓州城樓又西北游涪城夏還有梓

城南樓陪趙侍御詩九月有祭房相公文其秋入
閩中其冬有放船江上詩甫巴西聞收京闕有送
班司馬入京詩其年代宗幸陝有憶昔詩云得不
哀痛塵再蒙自天寶十四載至此九年元宗幸蜀
代宗又幸陝故曰塵再蒙甫年五十一

廣德二年甲辰

嚴武再鎮蜀甫贈詩云殊方又喜故人來除京兆
功曹不赴武辟劍南參謀檢校工部員外郎闔塗
中贈武詩得歸茅屋赴成都真爲文翁再剖符其